

DINESYDD

PAPUR CYMRAEG CAERDYDD A'R CYLCH

RHIF 134

EBRILL
1987

SIWSI'N GALW - YN GYMRAEG!

"SIWSI'N GALW.....yn y Gymraeg!" Fe fyddai gwrthrych can Meic Stevens ("Siwsi'n galw ar y teliffon..." yw geiriau'r gan i'r anwybodus, Gol.) wrth ei bodd a chyhoeddiad diweddar Telecom Prydeinig yn datgan eu bwriad i sefydlu gwasanaeth ffonio dwyieithog yng Nghaerdydd. Bydd y penderfyniad yma gan gwmni na fu'n enwog yn y gorffennol am eu hymroddiad i'r iaith yn hwb sylweddol i bawb sy'n ymgyrchu dros gael statws i'r Gymraeg yn y brifddinas.

Deilliodd y cynllun o ganlyniad i gyfarfod rhwng dirprwyaeth o gwmni Telecom ag aelodau o gell Caerdydd o Gymdeithas yr Iaith Gymraeg, gynhaliwyd fis Medi y llynedd. Ar ol cytuno i ystyried cynllun y Gymdeithas, cafwyd sel bendith Pwyllgor Cynllunio Rhanbarth De Cymru o Telecom a chadarnhawyd y byddai'r cynllun yn weithredol erbyn diwedd mis Mawrth eleni. (Wrth i'r rhifyn hwn fynd i'w wely, deallwn fod y cynllun bellach ar waith. Gol.)

Yn ymarferol yr hyn a olyga'r cynllun yw fod Telecom yn neilltuo dau giosg cyhoeddus yng nghanol Caerdydd ar gyfer galwadau Cymraeg yn unig. Dewiswyd dau giosg sydd wedi'u lleoli ochr yn ochr a dau flwch ffonio arferol, h.y. rhai sy'n derbyn a gyrru galwadau mewn unrhyw iaith. Drwy osod y blychau ochr yn ochr a rhai arferol gellir cymharu'r defnydd a wneir o'r ddau wahanol fath. Gellir defnyddio y ciosg newydd ar gyfer pob math o alwadau - galwadau busnes, preifat, ynghyd a galwadau brys - cyn belled a'u bod trwy gyfrwng y Gymraeg yn unig. NI fydd modd cynnal sgwrs trwy gyfrwng unrhyw iaith arall o'r blychau yma.

Dywedodd Stephan Webb ar ran Cymdeithas yr Iaith fod hwn yn gam pwysig iawn tuag at integreiddio'r Gymraeg yn llwyr i strwythur cymdeithas. "Ry ni'n siomedig wrth gwrs mai dim ond dau giosg yn unig sy'n cael eu neilltuo ar hyn o bryd i wneud galwadau trwy gyfrwng y

Gymraeg, ond mae hwn yn gam grymus a phendant sydd llawn mor bwysig a darparu cownter Cymraeg yn y Swyddfa Bost", meddai. "Mae llwydiant Deddf Iaith newydd yn dibynnu i raddau helaeth ar barodrwydd cwmnïau masnachol fel Telecom i ganiatau defnydd o'r Gymraeg yn eu maes nhw ac ar ein parodrwydd ni i ddefnyddio'r cyfleusterau gymaint ag y gallwn".

Cadarnhaodd llefarydd ar ran Telecom, mai arbrawf yn unig yw hwn, ac y bydd y cynllun yn cael ei adolygu ymhen tri mis, ddiwedd Mehefin. Os bydd y ffigyrau'n dangos fod yna alw pendant am wasanaeth ffonio trwy gyfrwng y Gymraeg, bydd y cwmni'n barod i ystyried darpariaeth lawnach yn ardal Caerdydd i ddechrau, ac yna ar lefel ehangach o bosib. "Telecom is happy to associate itself with all efforts to preserve the Welsh language, but it's now up to Welsh speakers in the Cardiff area to prove the need for such a service during the next three months".

Ond dyw'r newyddion ddim yn dda i gyd. Yn ol Cyngor y Defnyddwyr, os bydd yr arbrawf yn llwyddiant a Telecom yn cytuno i sefydlogi ac ehangu y cynllun drwy osod blychau ffonio ar gyfer galwadau Cymraeg ym mhob rhan o'r ddinas ochr yn ochr a'r rhai presennol, gallai hyn olygu

cynnydd o tua dau y cant ar y bil ffon.

Am y tro fodd bynnag, y newyddion pwysig yw FOD 'na gynllun ffon Cymraeg ar waith yn y brifddinas at wasanaeth Cymry Cymreg yr ardal. Lleolwyd y ddau giosg newydd, sydd wedi'u peintio'n felyn - drws nesa i ddau giosg lliw coch arferol ar Churchill Way, gyferbyn a hen siop Calders. Gobeithiwn gael ymateb y defnyddwyr erbyn y rhaifyn nesaf. Yn y cyfamser, cyngor y Dinesydd yw: - rhowch wybod i'ch cyfeillion (ac i Siwsi!) ewch allan, a defnyddiwch y ddau ffon newydd.

BEIBL CYMRAEG William Morgan



CYFLE UNIGRYW

Fel cyfraniad tuag at ddathliadau pedwarcanmlwyddiant cyhoeddi Beibl yr Esgob William Morgan mae Llyfrgell Genedlaethol Cymru yn bwriadu argraffu nifer cyfyngedig o gopiau ffacsimill o'r Beibl hwnnw. Am ragor o fanylion gweler tudalen 2. Ond os hoffech archebu copi dylid ysgrifennu at Y Llyfrgellydd, Llyfrgell Genedlaethol Cymru, Aberystwyth, Dyfed, SY23 3BU.



CWRS GWAU TAPINAU

Mewn ymateb i'r diddordeb cynyddol a fu mewn crefftiau traddodiadol yn ystod y blynyddoedd diwethaf, y mae Amgueddfa Werin Cymru, Sain Pfağan wedi trefnu cyfres o gyrsiau ymarferol ar wahanol grefftiau. Cynhelir y cyntaf ar wau tapinau yn yr Amgueddfa ar ddydd Sadwrn, 11 Ebrill am 10.00 a.m. Dechreuir gydag elfennau'r grefft ac ni ofynnir am unrhyw brofiad blaenorol o wau. Darperir ar gyfer myfyrwyr mwy profiadol hefyd a thelir sylw arbennig i gynllunio tapinau. Bydd y diwrnod o dan ofal Mrs. Margaret Hansford, Cadeirydd Gwehyddion Morgannwg. Bydd gwlan wedi ei liwio ar gael am bris rhesymol a darperir fframiau pwrpasol. Codir tal o £5.00 am y Cwrs.

Am fanylion pellach am y Cwrs a'r rhai eraill yn y gyfres cysyllter a John Williams-Davies, Amgueddfa Werin Cymru, Sain Pfağan, Caerdydd. CFS 6XB. Ffôn: Caerdydd 569441

Dymunwn estyn ein cydymdeimlad i Mair a Gerallt Evans ar farwolaeth ei mam fore Sul, Mawrth 15fed. Bu Mair a Gerallt yn fawr eu gofal ohoni a chofiw'n am dad Mair yn ei gartref yn Nhreflerttet, Sir Benfro yn ei gollod. Fe fydd ei hwyresau, Catrin, Siwan a Betsan a'i gorywion Mathew Rhys a Hanna Ffur hefyd yn teimlo ei cholled.

Ymadroddion newydd

Nos Fercher, Chwefror 25ain, cynhaliwyd cyfarfod cystadleuol yng Nghapel Salem, Canton. Cafwyd cystadlu brwd ar ganu ac adrodd a choginio 'quiche', a phawb, yn ennillwyr ynghyd a'r rhai gafodd gam, yn mwynhau'r ornest. Hen hanes yw hynny erbyn hyn ond yn ystod y noson fe gafwyd, yn sgil un o'r cystadleuthau llenyddol, wedd newydd iawn ar ymadroddion yr oes o'r blaen. Gofynnwyd i'r cystadleuwyr gyfansoddi diarhebion cyfoes, newydd ac, yn ôl y beirniad Llên, Mallt Anderson, a fu'n pwyso a mesur dwsinau o gynigion, llwyddwyd i gynhyrchu ambell i ddihareb eithaf ysbrydoledig - a lot o sbort! Dyma i chi rai ymdrechion:-

Deuparth gwaith, ei gael.
Cerdyn heddiw, cardod 'fory.
Dyfal donc all dorri'r morthwyl!
Amau neb, amau pawb.
Dim fferins, dim ffilings.
Cysgu'n sengl, cysgu'n dawel.
Car ei gymydog sy'n gyrru dyn.

Dylid anfon unrhyw ddeunydd ar gyfer rhifyn mis Mai erbyn Ebrill 13eg at:
Y Dinesydd,
47, Hamilton Street,
Canton,
Caerdydd.

Gwasanaeth Dathlu Dydd

Gŵyl Dewi ym Methania,

Clawdd Coch

Merched y Wawr - Pwyllgor Rhanbarth y De.

Cynhaliwyd Gwasanaeth di-dwyll iawn noson Dydd Gŵyl Dewi i weddio dros ein cenedl a'i chyflwyno'n ôl i ofal Duw.

Roedd cynrychiolaeth o bron pob Cangen yn y Sir yno a fel pob amser roedd cyfraniadau teilwng ystyrion o bob Cangen. Cafwyd ein hysbrydoli gan ein siaradwraig wadd, Mrs. Shan Emlyn - mae'n dweud bod ei theulu'n blino arni'n sôn am y wladfa - nid felly ni a oedd yno y noson honno. Roedd arwyddion tranc yno meddai oedd yn gwneud iddi hi wethfawrogi fwyfwy ein bywyd ni yng Nghymru - fe'n hanogodd ni i gadw at y pethau gorau i sicrhau bywyd a thwf i'n cenedl ar dir Cymru. Ymfalchiai'n bod ni yn yr ardaloedd hyn yn gallu byw bywyd mor naturiol Gymreig.

Roedd hi'n siaradwraig wvch. Mae'n deyrnged i Merched y Wawr inni yn y Cwrdd Rhanbarth hwn gael neges mor bwrsasol gan ein cennad bob blwyddyn. Llynedd Mrs. Myra Jenkins, cyn hynny Mrs. Rebecca Powell a'r Parch Ian Roberts. Diolch eleni Shan Emlyn a diolch i Mrs. Rhiannon Williams am ein hysbrydoli i roi tuag at Gronfa Achub y Plant.

BEIBL WILLIAM MORGAN

I ddathlu pedwarcamlwyddiant cyhoeddi'r Beibl Cymraeg cyntaf mae Llyfrgell Genedlaethol Cymru yn cyhoeddi ffacsimili o Feibl yr Esgob William Morgan. Bu ffotograffwyr ac argraffwyr y Llyfrgell wrthi am yn agos i ddwy flynedd yn paratoi'r ffacsimili hwn a daw'r gwaith o'r wasg ar 1 Tachwedd eleni.

Yn ôl y Llyfrgellydd:

"Beibl 1588 yw'r llyfr unigol pwysicaf a gyhoeddwyd yn y Gymraeg erioed, a braint inni yw cael defnyddio'r technegau diweddaraf er mwyn ei gyflwyno i'r cyhoedd yn ei ffurf wreiddiol."

Pum cant o gopiau'n unig a argraffwyd o'r gyfrol hardd hon o 1100 o dudalennau ac mae'n sicr y bydd yn drysor i gasglwyr llyfrau.

£60 fydd y pris cyn ei gyhoeddi a £70 wedyn, ond hyd nes y cyhoeddir y Beibl ar 1 Tachwedd bydd y Llyfrgell yn cynnig telerau talu vmlaen llaw yn fisol.

OS AM WERSI PIANO, cysylltwch â
Joy Davies, B.Mus., L.T.C.L.
Ffôn: 752173

Llawenydd inni i gyd yw croesawu Teleri Bevan, Pennaeth Rhaglenni BBC Cymru yn ol i'w gwaith ar ol cyfnod o waeledd.

BLE MAE'R YSGOL?

ANSICRWYDD YSGOL NEWYDD
RADNOR ROAD

Blin iawn gennym orfod cofnodi yn y rhifyn hwn o'r Dinesydd bod y SWYDDFA CYMREIG yn euog o lusgo'u traed wrth roi y caniatad angenrheidiol i Awdurdod Addysg De Morgannwg i agor yr ysgol newydd hir-ddisgwyliedig hon.

Ers blwyddyn bellach fe fu plant a oedd i fod i agor y bumed Ysgol Gymraeg yng Nghaerdydd yn Radnor Road, yn derbyn eu haddysg yn Ysgol Lansdown o dan ofal Mrs. Cerris Davies. Cawsant addewid pendant gan yr Awdurdod y byddid yn apwyntio Prifathro erbyn y Pasg ac y byddai'r plant yn cael eu symud ymhen y flwyddyn i Ysgol Radnor Road a'r hen adeilad yn Radnor seddi'i adnewyddu.

Nid oes unrhyw Swydd wedi'i hysbysebu a mae'r ansicrwydd a'r diffyg cyflawni addewidion medd yr Awdurdod yn deillio o'r ffaith na all yr Awdurdod Addysg symud vmlaen heb ganiatad y Swyddfa Gymreig.

Mae'r Awdurdod a'r rhieni yn dal i bwysu ar y Swyddfa Gymreig i ddod i benderfyniad boddhaol.

Prifysgol Cymru
Canolfan Dysgu Cymraeg
i Oedolion

CWRS HYFFORDDI ATHRAWON
(addas ar gyfer y rhai sydd am gymrvd dosbarthiadau i oedolion yn yr Hydref)

Bob prynhawn dydd Iau
7 Mai -- 18 Mehefin 1987
4.30 - 6.00 p.m.

Manylion o 22 Park Place
Ffôn 390980

Hunangyflogedig? Heb Bensiwn?

Ffôn: Caerdydd (0222) 562816

LYNN JONES

30, Highfields,
Llandaf,
Caerdydd, CF5 2QB

BUDDSODDIADAU YSWIRIANT BYWYD PENSIYNAU

Os an.
DIWNIWR PIANO
Cysyllter â
Hefin Tomos,
16 Llys Teilo Sant
Y Rhath
Caerdydd
Ffôn 484816



NEWS

ON SUNDAY

• YNG NGHYMRU •

PAPUR NEWYDD RADICALAIDD

Mae papurau tabloid yn
iddyn heb ffordd

AR DDYDD SUL Ebrill 26 cyhoeddwr rhifyn cyntaf y papur Sul newydd News on Sunday. Yn ogystal a thorri tir newydd yn nhermau newyddiadurrol, un o nodweddion unigryw News on Sunday yw'r ffaith y bydd yn cynnwys atodiad Cymreig.

Eisoes sefydlwyd grwp o gefnogwyr News on Sunday yng Nghaerdydd ac mi fydd gan y papur swyddfa yn y Briffddinas. Cynhaliwyd cyfarfod cyhoeddus i son am y papur ac y trefniadau sydd eisoes ar y gweill. Ond y datblygiad pwysicaf hyd yma oedd penodiad y newyddiadurwr James Stewart, a fu'n aelod o staff y cylchgrawn Rebecca, i fod yn gyfrifol am gynnwys yr atodiad Cymreig a'r cynnwys Cymreig a fydd yn ymddangos yng nghorff y papur.

Y gobaith yw sefydlu grwpiau tebyg trwy Gymru - eisoes sefydlwyd grwpiau yn Glasgow, Glannau Merswy, Manceinion, Newcastle, Sheffield, Bryste, Coventry, Birmingham, Caerlyr a Llundain.

Yng Nghymru bydd gan y grwpiau lleol ran hollbwysig i'w chwarae yn y gwaith o greu'r argraffiad Cymreig a chreu cysylltiad uniongyrchol rhwng News on Sunday a'i ddarllenwyr ledled Cymru. Disgwylir y bydd y grwpiau'n porthi'r papur a syniadau ac eitemau newyddion yn ogystal a chynnig beirniadaeth.

Gorchwyl pwysig arall fydd ceisio sicrhau darllenwyr cyn i'r papur ymddangos drwy son am y papur mewn manau gwaith ac yn eu cymunedau. Bydd tim News on Sunday yn cynnal cyfarfodydd ledled Cymru yn ystod y misoedd nesaf i drafod y papur gyda darllenwyr a chyfranwyr y dyfodol.

Argreffir News on Sunday yn Llundain a Manceinion. Nod y papur fydd adlewyrchu diddordebau a buddiannau pobl ym mhob rhan o wledydd Prydain. Cynhwysir newyddion a gynhyrchir gan ohebwy'r yn gweithio o swyddfeydd lleol yn yr argraffiadau arbennig ac ym mhrif gorff y papur.

Mewn taflen ddwyieithog a gynhyrchwyd gan grwp cefnogi News on Sunday yng Nghaerdydd roedd gan Mary Giles hyn i'w ddweud:

"Mae papurau tabloid yn gyfleus, yn ddarllenadwy ac yn rhad. Ond oes raid iddynt hefyd fod yn gomics atgas a hiliol a rhywiaethol, yn llawn o rywa roiats, malais a mochydra, drygs a drygioni?"

Bydd News on Sunday yn wahanol: tabloid lliw a newyddion go iawn. Bydd yn meddu ar fywiogrwydd a hiwmor y papurau tabloid gorau, ond bydd yn gryfach ym meysydd materion cyfoes, newyddion rhyngwladol ac

GRWP LLEOL- RHAN HANFO

Argreffir News
Manceinion. N
adlewyrchu d
pobl ym mhob
Cynhwysir new
ohebwy'r yn g
News on Sun
arbennig ac y

Mae cefnogae
yn adweiddol
Sunday hyd

ymchwilio manwl. Er ei fod yn cefnogi amcanion a gobeithion pobl gyffredin a'r mudiad llafur, bydd News on Sunday yn parhau'n annibynnol o unrhyw sefydliad neu blaidd wleidyddol. Bydd hefyd yn gadarn ei wrthwynebiad i bob math o rywiaeth, hiliaeth a gwahaniaethu annheg yn ei ddeunydd newyddion ac erthyglau, ac fel cyflogydd.

Adlewyrchir diddordebau, pryderon a gobeithion cymunedau cefn gwlad a threfi ledled Cymru yn yr argraffiad Cymreig. Er mai yn Saesneg y bydd y papur, bydd yn ymdrin yn llawn a materion yn ymwneud a'r iaith Gymraeg.

Bydd mwy o straeon 'diddordeb dynol' nag a geir yn y papurau Sul 'safonol'. Cred News on Sunday y gall newyddiaduraeth sy'n ymdrin a phobl wneud syniadau radicalaidd yn fwy dealladwy i gynulleidfa llawer ehangach. Gall newyddiaduraeth o'r fath adlewyrchu hiwmor, dychymyg, dewrder ac ysbryd cydweithredol menywod a dynion cyffredin".

Os hoffech gysylltu a News on Sunday yng Nghaerdydd, ysgrifennwch i'r cyfeiriad isod:

News on Sunday
P.O. Box 322
Caerdydd
CF2 2XA

Yn **Y Cocatw Coch**, a gyhoeddwr ar 9 Ebrill 1987 gan Wasg y Brifysgol, ceir detholiad o gerddi byr Tseinaeg, yn cynnwys enghreifftiau o waith prif feirdd pob oes hyd at ein dyddiau ni, wedi'u cyfieithu am y tro cyntaf i'r Gymraeg.

Fe'u cyfieithwyd gan Cedric Maby, cyn-gynghorwrdd Llysoenhadaeth yn Peking (Beijing ballch); bu hefyd yn Chargé d'affaires yno am dymor.

Mae'r cerddi yn adlewyrchu cariad y Tseinaid at eu teuluoedd a'u cyfeilliaid, ac at natur a chreaduriaid gwyllt, blodau a choed. Gall y sawl nad oes ganddo ddim gwybodaeth am iaith a llenyddiaeth Tseina fwynhau'r cerddi hyn gyda chymorth y rhagymadrodd, nodiadau testunol a bywgraffyddol, y map a'r rhestr o ddyddiadau.

Am gyfweiliadau â Cedric Maby, cysyllter yn uniongyrchol ag ef ar (0766) 770279).

NID YW POB MORGAI YR UN FATH

Y GANOLFAN
CYNGHORI MORGAI

CYNGOR DIDUEDD YW'R
UNIG CYNGOR O WERTH

A WYDDECH CHWI

fod Cymdeithasau Adieadu, y Banciau, a sefydliadau ariannol eraill, yn cystadlu'n galed am y trait o roi morgais i chi?

Mantewch ar hynny i sicrhau cynllun morgais a alla gynnig i chi'r rai o'r canlyniol neu'r cytan obonyr:

- 1 Graddfa log is na'r arfer
- 2 Taliadau llai yn y blynyddoedd cynnar
- 3 Ad-dalu'r ffi brisio ar ôl trefnu'r morgais
- 4 Hyd at 15% o ostyngiad ar yswiriant cynnwys y tj
- 5 Cyfraniad tuag at y treuliau cyfreithiol
- 6 Sam ddi-dreth ar y diwedd yn bosibl
- 7 Dim taliadau trefnu

HUNANGYFLOGEDIG?

A wyddoch chiw iot Morgais Pensiwn yn cynnig marteision mawr o ran treth a chyllie gwyth i fuddsoddi?

Sterling

NAWR YW'R AMSER!

Ffoniwch y ganolfan nesaf atoch am gyngor a gwybodaeth sydd yn rhad ac am ddim



Aberystwyth (0870) 617647

Abermaw (0341) 281145

Porthmadog (0766) 3765

Byddai'n dda gennyf gael cyngor gennyfch am y llesau gorau i'm morgais newydd.

Anrhwng at
Y Ganolfan Cyngori Morgais,
Gwasanaethau Cyfild Sterling,
FREEPOST, Heol Portland,
Aberystwyth, SY23 2JL

Llythrennau bresennol

Enw:

Cyfeirnod:

God Post

Y CALENDR

DYLID ANFON unrhyw gyfraniadau at Galendr y Dinesydd at: Lynn Jones, 30 Highfields, Llandaf, CF5 2QB. Ffôn: 562816.

Ebrill 6
Merched y Wawr yn cyfarfod yn Ffestri Capel Minny Street, Cathays am 7.30. "Noson o Holi" - Mererid Morris.

Ebrill 11
Ffestri Capel Heol y Crwys; Bore Cerddorol a Stondinau amrywiol 10.00 - 12.00 a.m. Tocynnau: 50c

Mai 9
Cor Philharmonig Caerdydd Perfformiad o Requiem (Faure) gyda Cerddorfa Siambr Caerdydd Neuadd Gyngerdd y Brifysgol Heol Corbett, Parc Cathays am 7.30

Artistiaid:
Elin ap Robert (soprano)
Jeremy Williams (baritoin)
Kevin Thomas (bass)
Robert Court (organ)

Arweinydd: Alun Guy

Tocynnau #3.50 oddiwrth Margaret Barrett Gwesty Penylan Caerdydd 496444 neu wrth y drws.

Mai 9
Cynhelir 6ed Cynhadledd Undydd, Uned Ymchwil Ieithyddol Gymraeg, Coleg y Brifysgol Caerdydd, yn y Castell, Sain Ffagan. Thema: Tafodiaeth Morgannwg a Brycheiniog. Manylion pellach: Caerdydd 874000, est. 5321.

KYFFIN WILLIAMS R.A.

Amqueddffa Genedlaethol Cymru 14 Mawrth - 2 Mai

Dim ond ychydig nodiadau gan y bydd llawer wedi ei ddweud a'i ysgrifennu cyn i'r Arddangosfa hon fod trosodd. I lawer iawn o bobl hon fydd Arddangosfa'r flwyddyn ac rwy'n sicr y cofir amdani fel un o'r rhai mwyaf o waith Cymro am Gymru.

O'r diwedd dyma gyfle i weld cynrychiolaeth helaeth o waith blynyddoedd lawer wedi eu casglu at ei gilydd. Cyfle felly i gymharu gweithiau cynnar a rhai diweddaraf a sylwi newid mewn lliwiau a thechneg. Techneg yn ei beintiadau oled sydd erbyn hyn yn ddibynnol yn llwyr a'r gyllell palet. Lle bo peintwyr eraill yn defnyddio brws, neu brws a chyllell, y mae Kyffin Williams wedi llwyr ymadael a'r brws am y gyllell ac yn ei weithiau diweddaraf yn taenu slabiau o baent trwchus, synhwyrol, nwydus. Gwelir fod y lliwiau wedi goleuo gyda'r blynyddoedd, a chynildeb yn amlgach yn ei ddefnydd o liw fel bod rhai tirluniau a morluniau bron yn haniaethol.

Ei dirluniau o Ogledd Cymru sydd wedi apello'n fawr at y Cymry sydd wedi llwyddo i brynu ei luniau ac y mae John Ormond yn ei nodiadau yn y Catalog yn cynnig ei ddadansoddiad ef o'r apel hon. O'i gartref ar lannau'r Penai gall yr artist edrych draw dros Eryri a sylwi ar effeithiau tywydd a newidiadau goleuni.

Ond y mae yma hefyd bortreadau nad oes llawer ohonom wedi ei weld o'r blaen. Portreadau wedi eu creu trwy ddefnyddio cyllell balet yn unig ac sydd yn union iawn eu hapel; yn cyfleu cymeriadau yn eglur iawn, a dangos dewrder mawr yn y modd y bu'r artist yn ymdroi at ei waith ar y cynfas. Efallai nad yw'r dyfrliwiau yn llwyddo i'r un graddau a'r peintiadau oled heblaw er enghraifft y portread gwych o Brychan Evans 1968. Beth sydd hefyd yn drawiadol iawn yw'r lluniadau mewn du a gwyn o Ogledd Cymru a'r fferwyr drwy wneud wneud defnydd o inc a golchiad. Lluniau bywiog sy'n dal naws y lle a theimlad am effeithiau tywydd, gwylltineb a chaledi bywyd yn y mynyddoedd.

Er iddo fod yn artist sydd wedi gwerthu mor dda y mae rhai yn ymateb yn feirniadol o'i dechneg sydyn ac uniongyrchol a chyllell palet, ac o'i ddefnydd o baent trwchus a phlastrog.

Yn ol Robin Stemp mewn erthygl yn 'The Artist' Ebrill 1987, y mae Kyffin Williams yn medru cellwair am hyn gan ddweud 'Mae'n rhaid i chi fynd i siarad ag 'X' - nawr y mae ef yn wir gasau fy ngwaith'. Ond, pwy bynnag yw 'X', pan yn arddangos yn Llundain yn y Thackeray Gallery bob dwy flynedd, y mae'r cwt o bobol yn un hir a'r gweithiau i gyd yn cael eu gwerthu.

Yn anad dim y mae enw Kyffin Williams ynghlwm wrth Gymru ac yn enwedig tirwedd y Gogledd. Bydd y mwyaf yn medru deall a mwynhau y delweddau y mae'r artist yn eu rhannu a ni a bydd rhai o'r delweddau hyn yn aros yng nghof y llygad yn hir iawn.

Er mor falch yr ydym o weld Arddangosfa fel hon yn cael ei gosod, rhaid taro un nodyn beirniadol sef yr anhegwch a wnaed a nifer o'r lluniau drwy eu dangos ar y balconi sy'n cysylltu dwy ystafell. Fe'i defnyddir yn feunyddiol i ddangos rhai o'r lluniau sydd ym meddiant yr Amqueddffa - ond ni ddylid ei defnyddio i arddangos ar achlysur fel hyn am resymau digon amlwg, ac yn enwedig gan i rai o'r lluniau gorau, ond nid mawr eu maint, gael eu gosod yno.

Wrth ddod allan clywais lais geneth tua deg oed o ysgol yng Ngwent yn dweud wrth ei chyfeillion "I wish I could paint like this". Credaf mai wedi ei chyffwrdd yr oedd hi gan harddwch y lluniau yn gymaint a dyheu am y gallu i wneud yr un modd.

Y mae'r Catalog am £4 yn ddwyieithog ac yn werth ei gael a'i gadw nid yn unig am y lluniau godidog sydd ynddo ond am nodiadau John Ormond hefyd. Noddwyd yr Arddangosfa gan HTV a Banc Barclays. Dyma'r daith:

Amqueddffa Genedlaethol Cymru - 14 Mawrth - 9 Mai
Oriel Mostyn, Llandudno - 23 Mai - 19 Gorffennaf
Oriel Glynn Vivian, Abertawe - 8 Awst - 19 Hydref



GŴYL HEN GALAN MAI

MAI 1 — 4 1987




Mae Gwyl Hen Galan Mai yn Amgueddfa Werin Cymru eleni sy'n ymestyn dros bedwar diwrnod gan gynnwys Gwyl Fai, yn argoeli at fod yn ddigwyddiad cyffrous yn dilyn llwyddiant yr Wyl y llynedd.

Eleni, bydd mwy na chant o weithgareddau amrywiol yn digwydd gyda chreffftwyr o bob cwr o Gymru yn arddangos eu crefft ac arddangosiadau fydd yn rhoi cyfle i ymwelwyr dreio'i llaw gyda hen chwaraeon a medrau traddodiadol Ymhlith llawer o weithgareddau newydd, bydd nifer yn ymwneud a'r amgylchedd fel rhan o ddathliadau Blwyddyn Ewropeaidd yr Amgylchedd. Mewn pabell fawr ar y Maes, trefnwyd rhaglen o adloniant gan gynnwys Sioe Pfasïwn y Wisg Gymreig. Yn y babell hon ar brynhawn

Sadwrn, Mai 2, cynhelir Cystadleuaeth Bandiau Pres gyda chydweithrediad Cymdeithas Bandiau Pres De-ddwyrain Cymru gyda deg o fandiau yn ymgeisio am y gwobrau hael a gynnigir.

Bydd yr Wyl yn parhau gyda'r nos hefyd ar nos Sadwrn a nos Sul. Nos Sadwrn, Mai 2il, cynhelir Noson Werin a drefnir gan gwmni Sain gyda Dafydd Iwan, Plethyn, Mabsant, Pedwar yn y Bar, Bridgette a Jonathan a Chor Godre'r Garth, ac ar y nos Sul, Mai 3ydd, bydd Cymanfa Ganu draddodiadol. Eisoes y mae'r diddordeb yn yr Wyl eleni yn cynyddu bob dydd wrth i drefnwyr a chwmnïau teithio o bob man fynegi eu hawydd i fod yn Sain Pfağan i fwynhau Gwyl Hen Galan Mai 1987.



David Rhys Edwards, y gof sydd newydd ymuno â'r Amgueddfa Werin



Wel helo a pha hwyl sydd? Newydd deithio o'r Felinheli i Gaerdydd ar fore Sul braf o Wanwyn - mae 'na eira ar bob mynydd a brvn yr holl ffordd i lawr, ond mae 'na argoelion o Wanwyn hefyd - toes 'na yr un Cae o boptu'r ffordd heb ddefaid un ai ar fin wyna neu wedi hwrw eu hwyn. Wrth wibio heibio'r cannoedd o filltiroedd o gloddiau mae 'na Gynffonnau Wyn bach yn gwahodd dyn i'w torri gan mai dyna'r gwyrddni hardda i'w roi yn gwmni i'r Cennin Pedr. Mae bron yn fis ers dathlu GŴyl Ddewi ond rwan mae'r trwmpeadau melyn a'n blod- yn Cenedlaethol yn dod i'w hoed eleni.

Dwi'n siwr fod pob un ohonoch chi wedi dathlu GŴyl Ddewi yn rhywle - a gan fod Mawrth y cyntaf yn digwydd bod ar ddydd Sul mi fu'n esgus dathlu am gyfnod. Mi fum i'n swpera yn Sir Aberteifi gyda Merched y Wawr Bargod Teifi - cig oen ar y fwydlen yno a'r un modd yng Ngholeg y Drindod lle bu Steddfod Iwddiannus iawn a cyd-gystadlu'r myfyrwyr a'r Staff yn rhoi modd i fyw i mi.

Nos Sul, Mawrth y cyntaf fe fu sawl rhaglen o Neuadd Dewi Sant ar y bocs - golygfa hyfryd oedd gweld llond y lle o bobl yn mwynhau bod yn Gymreig - ond i mi brafiach lawer oedd bod yn y Neuadd ar ddiwrnod Steddfod Glantâf. Tri chwarter y neuadd yn llawn - y plant a'r athrawon yn eistedd gyda'u gilydd yn ôl eu llysoedd a rhieni a ffrindiau'r ysgol yn cael mynd a dod drwy'r dydd fel bo'n bosib. Mi ddiwyddais i daro mewn rhwng hanner dydd a dau o'r gloch y pnawn.

Fe ges i weld y corau bechgyn, cân bop Ffrengig, siarad cyhoeddus a'r Cadeirio - dyna gyfle yn fanna i gannoedd o bobl ifanc sy'n Gymry Cymraeg o'r Briffddinas droedio, perfformio, llefaru, canu, hyfforddi, colli ag ennill ar lwyfan un o Neuaddau gorau Ewrop, (yn ôl y rhai sy'n gwybod.)

Roedd y cyflwyno gan Staff yr ysgol cystal os nad gwell na safon Radio Cymru ag S4C, y beirniadu yn gyson dda a beirniadaeth o'r lenyddiaeth cystadleuaeth y Gadair gan Islwyn Jones gyfuwch a'r Genedlaethol, (a'r feirniadaeth barodd chwarter awr yn fanwl ar gerdyn tua yr un maint a phe cyn sigarets) - ond yr awrygylch a'r afiaeth yn well naq unrhyw beth mae'r W.R.U. yn gallu ei sbarduno na'i greu. Dyna i mi binacl fu nathlu i ar Wyl Ddewi. -

Estynwn ein cydymdeimlad llwyraf a Mrs. Sandra Rogers, Ysgol y Wern, a'r teulu ar ei phroffedigaeth ddiweddar o golli ei thad ym Mhedair Heol, Llanelli.

Annwyl Gyfeillion,

CAIS AM GYMORTH

Eleni am y tro cyntaf rydym wedi cyhoeddi DYDDIADUR DESG i gadw cwmni i'r Dyddiadur Poded sydd wedi ymdangos ers rhai blynnyddoedd. Yn dilyn yr ymateb brwd iddynt, bwriadwn gyhoeddi rhifynnau 1988 erbyn yr Eisteddfod Genedlaethol.

Er mwyn i'r ddau Ddyddiadur fod mor gywir ag sy'n bosibl erfyniwn am eich cymorth, yn Fudiadau, Cymdeithasau, Papurau Bro ac yn y blaen. Gwnewch yn siwr fod eich sefydliad chi yn cael ei gynnwys drwy anfon y manylion perthnasol at y cyfeiriad isod cyn gynted a phosib.

Diolch ymlaen llaw i chi am ein helpu i ddarparu Dyddiaduron safonol a defnyddiol yn yr iaith Gymraeg.

Megan Mai,
Y Lolfa,
Talybont,
Ceredigion.

Plas Cichle,
BIWMARES.
Ynys Môn.

Annwyl Olygydd,

Ro'n i'n meddwl ella basai rhai o'ch darllenwyr, dysgwyr yr ardal yn bennaf, â diddordeb mewn menter newydd. Yma ym Mhlas Cichle rydan ni'n cynnig gwely a brecwast i ddysgwyr. Mae cyfle i ymarfer yr iaith mewn awyrgylch gartrefol a hefyd cyfle i gael hyfforddiant pellach os yw ymwelwyr yn dymuno hynny. Mae penwythnosau arbennig wedi eu trefnu yn ystod yr haf - drwy'r rhain gobeithiwn ddod a dysgwyr o'r un safon at eu gilydd, ac ym mis Medi mae dau benwythnos 'Cyflwyno'r Iaith' wedi'u trefnu i rai sy'n bwriadu mynd ati o ddifri yn yr Hydref.

Fferm rhyw filltir o dref Biwmares a'r afon Menai ydy Plas Cichle. Mae'n ardal gyda yr hyfrytaf yng Nghymru, ac yn ganolfan ddelfrydol i deithio Môn ac Eryri. Mae amrywiaeth o weithgareddau egniol yn yr ardal hefyd.

Yr hyn a obeithiwn wneud yma yw rhoi cefnogaeth a hyder i ddysgwyr ddefnyddio'r Gymraeg. Os am fwy o fanylion cysylltwch â Eirwen Roberts (ffôn 0248 - 810488).

Ga i ddymuno'n dda i'r dysgwyr yn eich ardal ac i'r Papur Bro.

Yr eiddoch yn gywir,

Eirwen Roberts.

TAITH YN ERBYN TLODI

Annwyl Gyfeillion,

Yr ydym ni yn Taith yn Erbyn Tloddi eisiau eich cymorth wrth wneud pobl yn ymwybodol o anghenion tlodion a newynog y byd. Digwyddodd a darfu Arian Byw, Live Aid a Sport Aid ond y mae tannoddatblygiad a newyn yn aros. Cymerodd miliynau o bobl ran yn y digwyddiadau hyn oherwydd eu bod eisiau gwneud rhywbeth ynghylch anghyfiawnder.

Nid yw codi arian i gynorthwyo dros dro yn ddigon. Oni newid-ir yn gyflym dermau masnach, cymorth a dyled sy'n wynebu glwedydd tlawd bydd dydd arall yn gweld newyn arall.

Bydd cannoedd o filoedd o bobl yn cymryd rhan mewn cyfres o deithiau cerdded cyfnewid drwy Brydain benbaladr rhwng Mai 9fed a Mehefin 6ed.

Bydd digwyddiadau a drefnir ar y ffordd yn darparu cyfle i annog A.S. i gymryd y 5 cam hwn:-

- * CYNYDDU A GWELLA CYMORTH TRAMOR
- * CYNORTHWYO'R NEWYNOG I DYFU RHAGOR O FWYD
- * MASNACHU TEG EFO GWLEDYDD TLAWD
- * CODI RAICH Y DDYLED ODDI ARNYNT
- * HYRWYDDO YMDRECHION I DDIW-EDDU GWRTHDRAWIADAU



Y cyhoeddiad pum cam hwn fydd y neges gyfnewid a fydd yn croesi Prydain gan gasglu miliwn o lofnodion erbyn yr amser y bydd yn cyrraedd Llundain ar Fehefin 6ed. Yr ydym yn gofyn i'n Llywodraeth gario'r neges ymlaen i'r Cyfarfod Economaidd rhwngwladol yn Fenis ar Fehefin 8fed.

Yng Nghymru mae taith wedi ei threfnu ar draws gwlad o Borthaethwy i gysylltu a'r brif daith yn Abertawe. Bydd hyn yn rhoi cyfle i bobl Cymru gefnogi amcanion y daith a dangos eu pryder ynghylch newyn yn y byd.

BETH ALLECH CHI EI WNEUD

Nid ydym yn disgwyl i neb ger-yr holl ffordd. Yr hyn sydd ei angen yw cefnogaeth cyn gymaint o bobl ag sydd bosibl i gerdded mor bell ag y gallant (boed hynny'n 20 milltir neu'n 100 llath) neu i sefyll ar hyd llwybr y daith i groesawu'r daith yn eu bro. Y mae'n bwysig cael cyn gymaint â phosibl o bobl i ARWYDDO'R DATGANIAD.

Y mae'n bwysig cael grŵp contact ymhob man-aros i helpu drefnu cyfarfod cyhoeddus a threfnu cefnogaeth gan swyddogion lleol (cynghorwyr, A.S., arweinyddion crefyddol a.y.b.) bwyd a chysgod ar gyfer cerddedwyr hir-daith. Os oes diddordeb gennych mewn bod yn gysylltu neu gysylltu â threfnwyr lleol yn eich ardal chi, neu gael pobl i arwyddo'r datganiad neu am gael rhagor o wybodaeth, os gwelwch yn dda, cysylltwch cyn gynted ag sy'n bosibl, ag yn ohonom.

Yn gywir,

Eluned Nickson.

CEFNOGWYR

Action Aid, CAFOD, Cymorth Cristnogol, Cllr, Cymorth i'r Henoed, Oxfam, Save the Children Fund, SCAWD, SCIAF, SEAD, Tear Fund, Traidcraft, Cymdeithas y Cenhedloedd Unedig, Voluntary Service Overseas, War on Want, World Development Movement.

LLWYBR Y DAITH

Sul	Mai 10	Porthaethwy ->Bangor -->Caernarfon
Llun	Mai 11	->Penygroes -->Porthmadog
Mawrth	Mai 12	->Blaenau Ffestiniog
Mercher	Mai 13	->Dolgellau
Iau	Mai 14	->Machynlleth
Gwener	Mai 15	->Aberystwyth
Sadwrn	Mai 16	Gorffwys
Sul	Mai 17	->Aberaeron
Llun	Mai 18	->Llanbedr Pont Steffan
Mawrth	Mai 19	->Llandysul
Mercher	Mai 20	->Caerfyrddin
Iau	Mai 21	->Porth Tywyn neu Llanelli
Gwener	Mai 22	->Abertawe

EISTEDDFOD CASNEWYDD

Y traddodiad yng Nghasnewydd ers blynnyddoedd lawer yw dathlu Gwyl Ddewi gyda chinio mewn gwesty ac oedfa yn y Gadeirlan. Nid oedd eleni'n eithriad, gyda y Dr. Emrys Evans, Dinas Powys, yn ŵr gwadd yng nghinio y Gymdeithas Gymraeg, a'r Parchedig Saunders Davies, Eglwys Dewi Sant Caerdydd, yn bregethwr gwadd yn y gwasanaeth. Deuddyn da eu gair, a chafwyd cyfraniadau coeth o'u genau.



Ond torrwyd tir newydd y flwyddyn hon gyda hore o ddawnsio a chanu yn yr awyr agored ar sgwar eang John Frost yng nghanol y dre ar Sadwrn, Chwefror 28. I Emrys Roberts, Cadeirydd Pwyllgor Cyhoeddusrwydd Eisteddfod Casnewydd mae'r clod yn bennaf am y syniad a'r paratoi, ond fe fyddai'r cyntaf i gydnabod y stôr o gymorth a chefnogaeth gafwyd gan nifer helaeth o wirfoddolwyr. Gwerinwyr Gwent ofalodd am y dawnsio a phlant unedau Cymraeg o High Cross a St. Dials fu'n canu.

Digwyddodd fod yn fore heulog braf, a buan ymatebodd siopwyr y dre i naww hwyll a miri ffair. Cystal yr ymateb nes i Meic Hughes, arweinydd Gwerinwyr Gwent fentro cynnal twmpath a gwelwyd pobl yn dod allan o'r dorf i uno yn y ddawns. I mi, uchafbwynt y bore oedd gweld dros gant o blant yn rhoi perfformiad afieithus o ddawns Llangrannog yn y sgwar.

Cafwyd dwy awr a mwy o ddfyrrwch gwbl Gymreig, ac yn dawel bach dosbarthwyd cannoedd o ddogfenau hysbysebu. Roedd yno ddigon o weithwyr i allu aros a sgwrsio gyda'r sawl a ddangosai ddiddordeb a chywreirwydd. Roedd yn hanfodol i gadw golwg ar dymheredd yr ymateb yng nghanol tre Casnewydd, ac allan o dros fil o gysylltiadau dim ond naw ymatebodd yn anffafriol.

Bellach, rwy'n gwbl sicr mai esgus ac nid rheswm yw'r ddadl ar egwyddor y rheol Gymraeg. Mae Emrys Roberts wedi dyfeisio ateb treiddgar i'r rhai sy'n ceisio dadlau dros gynnwys Saesneg yng ngweithgareddau'r Wyl. Ateb Emrys i'r siniciaid yw dadlau na ellir dewis tim rygbi wir genedlaethol hyd nes y cynhwysir chwaraewyr pel-droed yn y tim! Rwy'n siwr fod yna ateb rhesymegol i hyn, ond does neb wedi meddwl amdano hyd yn hyn.

Lle bynnag bo dau neu dri yn ymgynnull yn enw Eisteddfod Casnewydd, mae bois y Pwyllgor Cyllid yn siwr o ymddangos o rywle! Dyna ddigwyddodd ar y Sadwrn yma er i ni bwysleisio mae cyhoeddusrwydd oedd y nod - nid codi arian. Serch hynny fe ddaeth £115 mewn cyfraniadau i gyllid yr Eisteddfod ac aeth John Jones Maesaleg adre am ei ginio yn ŵr llawen.

Mae cyhoeddiad newydd wedi ymddangos yn sgil yr Eisteddfod, sef papur dwy-ieithog 'Cas-Newydd/Newport News'. Yn bennaf y bwriad yw cadw rhyw fath o gysylltiad rhwng y 300 o bobl sy'n gwasanaethu'r Is-bwyllgorau. Disgwylir iddo ymddangos bob tri mis, ac os yw'r rhifyn cyntaf yn enghraifft o'r safon a ddisgwylir bob tro, fe fydd 'Cas-Newydd' yn ennill ei blwyf. Tybed a welir papur bro Casnewydd yn datblygu o'r cyhoeddiad yma? Gwylid y Dinesydd!

CYFNEWID ARTISTIAID Cymru ac Iwerddon

Mae Cyngor Celfyddydau Cymru a Chyngor Celfyddydau Iwerddon/An Chomhairle Ealaion ar fin dechrau ail ran cyfnewid rhwng Cymru ac Iwerddon. Yr oedd y rhan gyntaf, a sefydlwyd y llynedd i roi i artistiaid y cyfle i ddatblygu cysylltiadau diwylliannol rhwng y ddwy wlad, yn golygu bod y beintwraig o Ddylun, Gwen O'Dowd, wedi ymweld â Chymru am dri mis yn ystod yr haf.

Er mai'r ddau Gyngor Celfyddydau sy'n talu am y Cyfnewid ac yn ei drefnu, Canolfan y Sgubor, Aberystwyth a Chanolfan Celfyddydau Triskel, Cork, fydd yn gwahodd. Gobeithir y bydd y bartneriaeth rhwng y ddwy Canolfan Celfyddydau yn parhau i annog a darparu fframwaith er mwyn i syniadau ac ymdrechion artistiaid gael llifo'n rhydd ar draws Môr Iwerddon.

Gwahoddir artistiaid nawr i weithio am dri mis yn Cork yn stiwdios Cork Artists Collective.

Ystyrir ceisiadau oddi wrth amrywiaeth eang o artistiaid yn gweithio mewn gwahanol gyfryngau gan gynnwys peintio, cerflunio, gwneud printiau, ffotograffiaeth, gwaith gosod a gwaith amgylchedd. Dylai fod gan ymgeiswyr ddiddordeb gwirioneddol mewn ymchwilio i'r diwylliant Gwyddelig a'r cysylltiadau rhwng y ddwy wlad, a dylent fod yn barod i addysgu a chyfathrebu'n eang am gelfyddyd a diwylliant Cymru'n gyffredinol. Dylai artistiaid fod yn byw yng Nghymru am y rhan fwyaf o'r flwyddyn (o leiaf 9 mis y flwyddyn), a bod a defnydd eisoes wedi ei gofrestru yn Llyfrgell Sleidiau a Gwybodaeth Cyngor Celfyddydau Cymru.

Disgwylir i'r artist a ddewisir weithio am dri mis yn olynol yn ystod y cyfnod Gorffennaf i Hydref. Y tâl yw 3,2000 punt Wyddelig, i gynnwys teithio, cynhaliadau, llety, defnyddiau a chostau eraill.

Y dyddiad cau ar gyfer ceisiadau yw Dydd Gwener 3 Ebrill 1987.

Gellir cael rhagor o fanylion a ffurflenni cais oddi wrth:-

Alison R T Scott,
Swyddog Artistiaid a Chomisiynau,

Cyngor Celfyddydau Cymru,
9, Stryd yr Amgueddfa,
CAERDYDD,
CF1 3NX.

Tel: 394711.

HWYL A FFLAG

yn cyflwynu

NEWID RELWYD

SIDE GERDDOROL

Awdur: Gruffudd Jones

Cerddoriaeth: Catrin Edwards

Cyfarwyddwr: Wyn Bowen Harries

THEATRE SHERMAN, CAERDYDD

Mawrth, Mai 5 a Mercher, Mai 6

1.15pm £3.00 (dim gostyngiadau)

7.30pm £5.00, £4.00 (gostyngiad o £1.00 i fyfyrwyr a phensiynwyr)

Tocynnau: Caerdydd 30451/2

Caset o ganeuon y side gan gwmni SAIN (C999A)

Copi am ddim i drefnwyr bwslau a phartion

Am fanylion cysylltwch â Hwyl a Fflag, Y Tabernacl, Heol y Garth, Bangor (0248)351140.

Dymuna'r 'Dinesydd' gydnabod gyda diolch y grant tuag at gostau cyhoeddi a dderbyniwyd o goffrau'r Swyddfa Gymreig drwy law Cymdeithas Celfyddydau De-ddwyrain Cymru.

HWRLIBWRLI

Roedd hwyl ac asbri naturiol dathlu Dydd Gŵyl Dewi ynghlwm wrth yr Hwrli Bwrlï yn Llanbedr-y-Fro.

Daeth plant yno yn eu gwisg Cymreig o bob cwr o'r Sir a diolch iddynt fentro allan ar ddiwrnod gaeafaidd, llawn eira ac oerni i groeso â stamp Draig Coch rampant arno yn Llanbedr-y-Fro. Roedd mamau yr Ysgol Feithrin yng Nghlawdd Coch wedi bod yn brysur yn paratoi cawl a theisen fale a phice bach yn arllwy ar ein cyfer a'r plant yn yr Ysgol Feithrin wedi trefnu addurniadau o Gennin Pedr ar gyfer y borydydd.



Sian Thomas, cyflwynwraig siriol S4C a agorodd yr Hwrlï Bwrlï a roedd ei bywyd a'i pharodrwydd hi i droi llaw at bopeth yno yn hyfrydwch drwy'r digwyddiad. Wedi'n croesawu ni yno aeth hi ati gyda Rhiannon Rees o'r B.B.C. i goluro wynebâu'r plant yn 'glown', yn 'gath', yn bopeth a rhoi cyfle iddynt liwio llun Sion Blewyn Coch. Cawsom anrheg o record Sion Blewyn Coch i'r sawl a liwiodd y llun gorau - Lisa Gaye o Bendeulwyn enillodd y record a chyflwynwyd planhigion o ardd Patrick Whelan i Elin Royle, Trelawnyd ac i Richard Jones, Llanbedr-y-Fro am ddod yn ail ac yn drydydd. Sian Thomas fuodd wrthi'n beirniadu'r campweithiau.

Yn yr un ystafell roedd Gwennan Murphy, Cymraes lân, loyw, yn dynnw'r lluniau proffesiynol wrthi yn tynnu lluniau y plant yn eu gwisgoedd Cymreig a'u hwynebâu wedi'u coluro. Mewn ystafell gyfagos roedd chwaraefannau neidio a roedd yr ystafell hon dan ofal Mr. Mostyn Thomas yn boblogaidd fel y gellwch ddychmygu.

Coron ar yr holl weithgareddau oedd ymddangosiad Olwen Rees a Johnny Tudor. Safai pawb wedi'u hudo'n llwyr dan eu swyn wrth iddynt gyflwyno Rhaglen Deledu gyfan ar lwyfan i'r plant o 'Dan Draed'. Roedd y cyfan mor slic a bywiog.

Cafwyd hwiangerddi wedi'u gwau a chaneuon modern wedi'u haddasu ynghyd a rhai o ffefrynau y plant oddi ar record Olwen. Mae'r ser yma yn deall byd plant i'r dim. Haeddant sylw a chlod di-bendraw am eu gwaith.

Cynhalion nhw ocsiw inni a chyhoeddi'r gwobrau - ffrwythau Swyddfa'r Post yn Llanbedr-y-Fro yn mynd i Mrs. Brenda Williams, Tŷ Capel, Clawdd Coch; ffowlyn Mrs. Hilary Hammond, y Ffarm Ffowls ym Mbendeulwyn yn mynd i chwaer Mrs. Ockwell, Garej Llanbedr-y-Fro; pinafal i Miss Sarah Cook, Radyr; ffesant i deulu'r 'Merrie Winds', Croes y Llwyfan. Eileen Gilhanly, Maes Saeson, enillodd y Smarties; Walter Thomas, y Bontfaen enillodd pwysau'r deisen.

Diolch yn fawr i famau'r Ysgol fuodd mor brysur yn y gegin - i Carys a Patrick Whelan am ddod a chynnyrch eu gardd, i Delyth a Hanna am eu lluniau arbennig, i Hilary Hammond a Beti Harding ar y stondin teisennau, i Mrs. Margaret Knight ein trefnydd am fod yn ddygn yn gwerthu cynnyrch y Mudiad a llyfrau Superted a Smotyn; i Mrs. Enid Evans, Llys y Sycmorwydden am drefnu'r stondin boteli a Mrs. Brenda Williams, Mrs. Ann Brooke a Sara Howells ar y stondin Eliffant Gwyn a Mrs. Eleri Rogers ar y stondin deganau - a phob un o blant yr ardal sy'n mynd i Ysgolion Cymraeg - does dim miloedd ohonyn nhw ond pawb yn frwd iawn wrth eu stondinau "Am y gorau" nhw.

Cawsom fore hapus iawn - diolch i bawb gyfrannodd at y llwyddiant. Mae Mrs. Linda James, Bwthyn Treledyn, wrthi yn cyfrif yr elw a aiff at gadw 'outpost' arall i'r Gymraeg ar agor ym mhellaf-oedd y Fro, sef Ysgol Feithrin Clawdd Coch.

COLEG Y BRIFYSGOL, CAERDYDD YR UNED YMCHWIL IEITHYDDOL CYMRAEG

Cwrs M.A./Diploma Prifysgol mewn Astudiaethau Ieithyddol Cymraeg yn dechrau Hydref 1987. Llawn-amser (blwyddyn) ac allanol (2 flynedd). Cwrs o ddiddordeb neilltuol i bobl mewn swydd (yn arbennig athrawon) a myfyrwyr gradd sy'n ymddiddori yn yr iaith o safbwynt ieithyddol, tafodieithol, a chymdeithasol.

Manylion pellach oddi wrth:

Yr Uned Ymchwil Ieithyddol Gymraeg,
62 Park Place,
Caerdydd CF1 3AS.

Tel: (0222) 874000, est. 5321.

Colofn Shân Emlyn



Dwi'n cofio, pan own i'n fyf-vriwr yn Llundain, mynd i Hyde Park i wrando ar bobol fyddai'n sefyll ar ben bocsi i annerch y daf a gasglai o'i cwmpas. Dim ond testun un anerchiad sy'n dal yn y cof. Rhaid ei ddyfynnu yn Saesneg - ichi gael y pwynt - a dyma fo - "What makes the greatest noise, night falling or dawn breaking". Arlyw felly mae hi arnai wrth lunio'r golofn hon y mis yma. Mae'r dudalen yn wag a does dim byd mwy sylweddol i'w ddweud nag oedd gan y creadur hwnnw yn Hyde Park ers talwm!

Wedi sgwennu'r paragraff cynta' sy'n dweud dim, dyma roi'r beiro i lawr a meddwl - dim byd yn dwad eto. Gadael y papur ffeil a mynd ati i sgwennu llw o lythyrau i'r ffrindia sydd gen i yn "y lle hwnnw" nad ydw i'n cael sôn amdano! Dihangfa llwyr a theimlo eto haul a chynhesrwydd croeso ac ail fyw ambell i brofiad yn y Tir Pell. Yn gefndir - Helo Bobol newydd ddechrau a pharabl rhywiog Del Tomos yn tynnu fy sylw. Er nad oes gen i iot o ddiwrnod yn y claf, wyn na'r mamogiaid y mae gwranddo ar Gymraeg Del Tomos yn bleser pur ac yn fiwsig i'r glust bob amser. Mae hynny'n dweud rhywbeth am gyflwr ein hiaith ni heddiw ond ydy hi? Trist ei bod hi'n brofiad annisgwyl i glywed Cymraeg tafodiaethol liwgar, gywir ar y cvfryngau.

O ble mae'r idioau ni'n dwad 'dwch? Pwy a'u lluniodd nhw? Mae ganddo ni rai rhyfedd ac astrus. Yn aml pan fyddai'n siarad Saesneg mi fyddai'n cael fy hun ar ganol brawddeg yn gwybod nad allai ei gorffen. Sut mae dweud wrth Sais i fod o "wedi llyncu mul"? Tydy dweud "You've sulked" ddim yn cyfleu'r un peth rhywsut. Dwi'n cofio Endaf, cyn i Jackie ei wraig ddysgu Cymraeg yn cyfieithu llythyrau fy nhad iddi.

Un frawddeg aporiadol oedd gan Dada i bob llythyr - a honno oedd "Dim newyddion o bwys yr wnos yma" - ac Endaf yn dweud wrth Jackie druan "No news of a pound this week!"

Rai wythnosau'n ôl roeddwn yn trefnu parti i'r cymdogion yn y stryd 'ma, a noson cyn y parti ro'wn i'n "giami". O ble daeth y gair vna tybed? Beth bynnag, daeth pobol y drws nesa i wybod fy mod yn y gwely ac yn "giami". Daethant draw yn bryderus y bore canlynol gan ofyn sut oeddwn i. Yr hyn yr o'wn i am 'i ddweud "O, dwi'n frenin i fel ro'wn i ddoe" a dyma f'n dechrau "Oh I am a K" a fedrwn i ddim dweud yn na fedrwn?!

TYNGED YR IAITH

Cafodd y rhan fwyaf ohonom mae'n siwr wefr wrth weld cofnodi hanes sefydlu Cymdeithas yr Iaith a maint y brwydrau a enillwyd ers sefydlwyd y Cymdeithas hon mor ddiweddar â 1962.

Siom aruthrol ar y llaw arall oedd sylwi ar ddiffyg trylwyredd ac arwynebedd newyddiadurwyr Cymreig y rhaglen - yn enwedig y rhan o Dde Morgannwg a Chanol Morgannwg. Synnu a wnaethan sbw fod y twf yma wedi cynyddu a bod agwedd y trigolion gymaint o blaid dysgu'r iaith. Pe baent wedi holi aelodau U.C.A.C. fe fyddent wedi sylweddoli bod 70% o drigolion Caerdydd yn eiddgar iawn i'w plant i gael Cymraeg yn yr ysgol os dysgid y pwnc yn drwyadl ac yn dda. Mae'r twf ym myd addysg trwy gyfrwng y Gymraeg yn ddyledus iawn i athrawon ymroddedig a fu wrthi yn ddi-flino yn y ddinas ryw ugain mlynedd yn ôl.

Nid oedd y newyddiadurwyr fel pe baent yn ymwybodol o gwbl o arolwg a wnaed gan y Cyngor Ysgolion yn dangos yn llwyr bod Ysgolion Hechwrdd Cymraeg neu Ddwyieithog yn magu tŷ llawer iachach eu hagwedd at y Gymraeg a rheiny mewn ardaloedd di-Gymraeg yn dod o deuluoedd di-Gymraeg na'r tŷ a fwyd mewn ysgolion yn yr ardaloedd Cymraeg lle roedd ffrydiau Cymraeg neu rai pynciau yn cael eu dysgu trwy gyfrwng y Gymraeg.

Pe bai newyddiadurwyr o Saeson wedi rhyfeddu bod y twf yma yn y De Ddwyrain, ni fyddem wedi synnu ond testun tristych oedd nad oedd ein newyddiadurwyr ni wedi gwneud eu gwaith cartref yn ddigon dïconol a gweld beth oedd wedi bod yn digwydd.

Holwyd Mr. Rayr Currie Jones ar ei agwedd at Y Corff Datblygu Addysg Gymraeg - ond ni holwyd ynlyn â'r ffaith bod deugain o swyddi dysgu trwy gyfrwng y Gymraeg wedi'u cytogi - a pha effaith a gafodd hyn ar agwedd trigolion De Morgannwg. Mae rhai ohonom eisoes wedi cael ein siec gyntaf wedi'i wrthod a ninnau yn hollol hyderus bod pawb a gafodd ei addysg yng Nghaerdydd yn gallu cyfrif i ddeg yn ei oen yn sylweddoli mai rhwyng y ysgol yng Nghaerdydd heb gael dysgu'r Gymraeg oedd yn gwrthod ein siec - y tro cyntaf ers 25ain o ysorifennu sieciau yn y Gymraeg a hyn yn deillio'n bendant o newid polisi tuag at yr iaith yn yr ysgolion.

Roedd barn Mr. Gwynfor Evans a'r Athro Bobi Jones ar un llaw a Mr. Cennard Davies yn hollol allweddol i'r ffordd ymlaen dybiwn i. Y ddau cyntaf yn tanlinellu'r angen am Wpan-iwm a dysgu oedolion a Mr. Cennard Davies yn tanlinellu'r defnyddio'r Gymraeg yn y Cymdeithas - yn yr Eglwys - yn y clybiau. Rwy'n dod yn fwyfwy siwr bob dydd mai'r cam nesaf inni nawr ar ôl sefydlu ein hysgolion yw hawlio oriau ham-

dden ein plant i'r iaith. Nid aethpwyd ar ôl yr elfen hollol ymarferol hyn - a roedd y rhaglen yn dlotach o'r herwydd.

Nid oedd y newyddiadurwyr fel pe baent yn ymwybodol bod gwaith adfer y Genedl Cymreig wedi bod yn mynd yn ei flaen yn y De-ddwyrain ers y tridegau. Roedd llefain mawr mai tri theulu sy'n magu'r plant yn y Gymraeg ym Mhenwch - nid oedd ein newyddiadurwyr ni yn sylweddoli mai tri theulu'n unig oedd yn magu'r plant yn y Gymraeg yn y Barri yn y pumdegau cynnar. Puodd rhain yn chwynnu'r tir "nes bod eu chefn ar gocio" i ddyfynnu Gwenallt am Kitch, ond erbyn hyn fel y dywedodd ein newyddiadurwyr mae'r cynbasaf wedi bod yn fawr - ond nid yw'n 'rhyfeddol' chwedl sbw. Mae'n gynnrych gwledigaeth, gwaith caled a gwerthgawrogi treftadaeth.

THEATR BARA CAWS yn cyflwyno

"PAWR 'ISIO BYW"

gan Margiad Roberts

Comedi greulon, gyfoes yw "PAWR 'ISIO BYW", lle mae pob ffaeldd yn cael ei gosbi a bob rhinwedd yn cael ei gam ddehongli, a'r cyfan yn tu hwnt o ddiogri.

Hanes Mandi, Gwilym John a Mr. Pratt, y tri ymhell o fod yn adar o'r un lliw ond fod ffawd wedi ei gorfodi i hedfan i'r un lle am gyfnod, gyda canlyniadau doniol a deifiol.

Comisiynwyd "PAWR 'ISIO BYW" fel canlyniad i benwythosau 'sgwennu Theatr Bara Caws. Eleni y mae Bara Caws yn gobetto datblygu ac ehanqu eu cynllun meithrin a hyfforddi awduron. Mae'r cwmni yn cynnal rhagor o benwythosau 'sgwennu ar hyn o bryd a bwriedir llwyfannu rhai o'r dramau a fydd yn cael eu 'sgwennu fel canlyniad i'r penwythosau. Yn ogytal cynhelir darlenniadau o ddramau newydd a bydd "Bara Caws" yn gwahodd awduron talentog ond di-brofiad atynt i ysgrifennu gyda'r cwmni. Mawr obeithiwn mai dim ond y cychwyn yw "PAWR 'ISIO BYW" ac y bydd llawer o ddramau gwahanol a diddorol yn ymweld a'ch neuadd bentref yn ogytal a sioeau arferol Bara Caws. Mae awduron Cymraeg wedi eu hamddifadu yn rhy hir o'r cyfle i lwyfannu eu gwaith. Os yw y Theatr yng Nghymru am ddathlygu yna mae'n hollbwysig i awduron gael gweithio gydag actorion a chyfarwyddwyr ar lawr yr ystafell ymarfer.

Ond yn ôl at "PAWR 'ISIO BYW"! Cyfle i chi weld Mari Gwilym, Frazer Cains, Mari Emlyn a Maldwyn John. Bryn Fôn yw'r cyfarwyddwr.

Bydd y cwmni'n perfformio yng Nghaerdydd, Nos Fawrth, 31 o Fawrth am 7.30 p.m. yn Ysgol Gyfun Glantaf. Cysylltwch â Peter Griffiths, Caerdydd 564124, am fwy o fanylion.

LLYFRAU

Llygad y Ddraig Dyfed Glyn

Pan ofynnodd mam i mi adolygu'r llyfr newydd 'Llygad y Ddraig' ar gyfer y Dinesydd rhaid i mi gyfaddef mai cyndyn iawn oeddwn i fynd ati i ddarllen y llyfr yma, oeddwn i yn dybied i fod yn addas i blant deg oed, ond erbyn diwedd yr ail bennod, roedd y stori yn mynd ychydig yn fwy diddorol a chyffrous - ond efallai braidd yn rhy anghredadwy.

Sôn am antur dau blentyn naw a deuddeg oed, Mari a Robin sy'n byw mewn pentref ger Rheilffordd; mae mam y ddau blentyn a siar y menter ei thaid 'Morgan Morgan Holdings', bellach wedi ei leoli yn Hong Kong. Pan glyw Gwen Morgan - mam y plant am drafferth â'r cwmni mae hi'n hedfan draw i Hong Kong i geisio sortio y problemau allan. Yno mae gŵr busnes llwyddiannus iawn ond hefyd yn adnabyddus am ei greu-londeb, yn gwneud cynnig i Gwen Morgan am ei Rheilffordd a'r twnel nôl yng Nghymru. Ni wyddwn ar y pryd wrth ddarllen y nofel pam mae'r gŵr hwn - Sam Chan eisiau prynu'r tir ganddi, ond down i ddeall fod yno emau gwerthfawr iawn, hynny yw 'Llygad y Ddraig', wedi'u cuddio yn y twnel.

Mae'r stori yn mynd ymlaen i sôn am herwgipiaid braidd yn anghredadwy y plant - a braidd yn siomedig pan ddihangodd y plant a dychwelyd i'w mam yn ddianaf ac yn ymddangos i fod yn llawn bywyd a chyffro ynglyn a'u 'hantur'. Yn naturiol mae hi'n hollol amlwg yn y diwedd fod teulu Gwen Morgan yn mynd i stopio Sam ddifrodi y twnel a chipio y trysor. Ac fel unrhyw stori antur arall mae'r da yn maeddu y drwg yn y diwedd, ac yn debygol iawn mae'r teulu bach yn byw'n hapus byth eto heb fygythiadau Samuel Chan a'i debyg.

Ond wedi dweud fod y stori hon yn anghredadwy ac wedi ei gor-wneud, rhaid i mi ei chanmol am fod yn gyffrous ac yn wreiddiol iawn ac rwy'n siwr byddai nifer o blant o tua wyth hyd tair ar ddeg sydd yn hoff o storïau antur yn cael llawer o fwyhad o ddarllen y llyfr newydd hwn 'Llygad y Ddraig'.

Beca Llwyd.

Awdur - Dyfed Glyn

Cyhoeddwyd - Y Lolfa

Pris - £1.95

Pluen newydd i gap S4C a Chwmni Siriol yw i gartwn Superted ennill un o lawryfon uchaf y byd teledu ym Mhrydain - sef gwobr BAFTA am gartwn gorau'r flwyddyn.

LLONGYFARCH



Llongyfarchiadau i Geraint Talfan Davies ar ei benodiad yn Gyfarwyddwr Rhaglenni Tyne Tees yn Newcastle Upon Tees. Chwith fydd colli'r teulu hwn o Gaerdydd. Dymunwn bopeth o'r gorau iddynt - ond brysiwch yn ol i Gymru. Yn dilyn penodiad Geraint rhaid hefyd longyfarch Emyr Daniel ar ei ddyrchafiad i swydd Rheolwr Cynorthwyol Rhaglenni HTV gyda chyfrifoldebau am raglenni newyddion a materion cyfoes.



MUDIAD YSGOLION MEITHRIN

Yn eisiau

CLERC/TEIFYDD

Gallu i gadw Cyfrifon yn fantais.

Anfoner am fanylion pellach a ffurflen gais at:

Y Cyfarwyddwr,
Mudiad Ysgolion Meithrin,
10, Park Grove,
CAERDYDD. CF1 3BN
Tel. 0222-36205

Dyddiad Cau: Ebrill 24ain, 1987

Llongyfarchiadau i Sian ac Alan Young ar enedigaeth Nia Gwenllian. Pob dymuniad da i'r teulu bach.

Ganwyd mab i Gwenlyn ac Ann Parry - William Gruffydd - brawd bach i Marged.

Llongyfarchiadau i Alison, merch y Parch. a Mrs. Haydn Thomas, Llandâf a John Keys o Londonderry, Gogledd Iwerddon, ar eu dywediad. Ar ôl graddio yng Ngholeg Abertawe bu Alison yn gwneud gwaith ymchwil cyn derbyn Swydd gyda Chymdeithas Gartrefi yng Nghaerdydd. Peiriannydd Sifil yw John gyda ei olygon ar hyn o bryd ar waith gyda'r twnel arfaethedig rhwng Lloegr a Ffrainc. Dymuniadau gorau iddyn nhw ac hefyd i Doreen a Haydn ar ddatlu penblwydd priodas arbennig iawn.



ARIES: Bydd hwn yn fis ardderchog i chi - cyfle i ehangu'ch gorwelion ymhob ffordd. Gofalwch na chewch eich twyllo yn y gwaith ar y 4ydd. Dylai hwn fod yn fis lwcus iawn, gwnewch yn fawr ohono.

TAURUS: Fe allai hwn fod yn fis rhamantus iawn, ond i chi ymlacio a mwynhau. Daw llawer un i ofyn cymwynas i chi, ac mi fyddwch chithau ond yn rhy hapus i helpu.

GEMINI: Bydd digon o ynni gennyh y mis Ebrill hwn; mi fydd hi'n anodd cadw i fyny a chi! Defnyddiwch yr ynni i gario un maen ar y tro i'r wal - peidiwch a'i wasgaru'n ormodol.

CANCER: Bydd y cartre'n bwysig iawn i chi nawr. Efallai byddwch yn symud, neu'n harddu neu'n ehangu eich tŷ presennol. Os oes cweryl yn y teulu, chi fydd yn gyfrifol am y cymodi.

LEO: Cewch gyfle'r mis hwn i lwyddo, yn enwedig yn y gwaith, ond i chi wneud eich gwaith cartref. Thâl hi ddim i chi fod yn ddiog. Mae'r elfen dramor yn gryf yn eich siart y mis hwn.

VIRGO: Mae 'na reswm pam nad y mae pob peth fel y dylai fod. Ceisiwch ddadansoddi beth sydd wrth wraidd y broblem, a'i ddatrys. Daw lwc tua'r 19eg. Canolbwyntiwch ar eich gyrfa.

LIBRA: Os oes perthynas rhyngoch a rhywun wedi suro rhywfaint dyma'r mis i ddod a phethau i'r pen. Daw'r cyfan yn gliriach ar ôl y 22ain - pan fydd cyfnod rhamantus yn dechrau.

SCORPIO: Mae llawer o newid-adau yn yr arfaeth. Ar ôl y Sed efallai bydd rhywun yn

dylanwadu arnoch mewn rhyw ffordd. Ceisiwch beidio a chweryla dros arian - a pheidiwch da chi a mynd dros eich dyfnder yn ariannol.

SAGITTARIUS: Mae'r sêr i gyd ar eich ochr y mis hwn - fe allech gyflawni llawer ond i chi ganolbwyntio, a gweithio'n galed. Cymerwch ofal o'ch arian; nid dyma'r amser i'w wario fel dŵr - nag i gymryd siawns.

CAPRICORN: Cymerwch rybudd, mae rhywun a'u bryd ar eich twyllo tua'r 4ydd - ond daw popeth yn iawn erbyn yr llog. Fe allai rhyw awdurdod geisio eich baglu yn gyhoeddus, ond bydd diwedd y mis yn rhamantus iawn.

AQUARIUS: Mis creadigol, a Chystadleuol iawn fydd hwn. Felly dangoswch eich talentau i'r byd! Gellwch gynllunio ar gyfer y dyfodol ar ôl yr llog pan fyddwch yn llawn syniadau, ond rhaid gweithio'n galed hefyd!

PISCES: Nid dyma'r mis gorau i chi - ond ceisiwch beidio a boddi'ch gofidiau na gorwario i godi'ch calon - dim ond gwaethygu wnaiff pethau felly. Daw haul ar fryn erbyn y Pasg, pan fydd y darnau'n syrthio i'w lle unwaith eto.

Paentio a phapuro a phob agwedd o waith cynnal a chadw adeiladol, cysyllter â Ieuan Williams. (Ffôn 610957).

Yn Eisiau - Merch i ofalu am faban chwe mis oed, naill ai fel gofal-wraig bob dydd neu fel 'Nanny'. Mae ei hangen ar frys ac felly, cysylltwch, os gwelwch yn dda cyn gwnted a phosibl â BARRI 721236.

celtic asset management ltd.


RHEOLWYR BUDDSODIADAU AC ASEDAU PERSONOL
ARBENIGWYR MEWN CRONFEYDD BUDDSODDI

PORTFFOLIADAU BUDDSODDI DAN REOLAETH
NAILL AI CYFEIRIEDIG NEU GORDDEWISOL

AM FANYLION PELLACH CYSYLLTER Â:
DAFYDD HAMPSON-JONES
CYFARWYDDWR

78 Heol yr Eglwys Newydd, Caerdydd, CP4 3LX
Ffôn: 394021

Delwyr trwyddedig mewn gwarannau.



Ar Draws:

1. Neidial'r B.A. yn afreolus pan oedd yn cloriannu (10)
6. Mae'n hen bryd i ddeall hwn (4)
9. Hanfod ein bod mewn cywair agored reit ynghanol y cymod (10)
10. Banllef! (4)
12. Cynghreiriaid gwleidyddol (12)
15. Enghreifftiau y gellid eu dilyn (9)
17. Gwdihw wedi colli anadi a chymar (5)
18. A oes gyno fo fodd i godi? (5)
19. Natur y boreddydd pan ddaw (yn ol emyn Dyfed) (9)
20. Trefnu dysg bydol er 'i danio ag awan oddiuchod (12)
24. Ffordd hen o gyfathrebu (4)
25. Ewropeaidd, yn amlach na heb (10)
26. Chwi a mi (4)
27. Di-feth (10)

I Lawr:

1. Pren (4)
2. Mrs. Chilton & bosib (4)
3. Pobl y cyrff cyhoeddus (12)
4. Metel (5)
5. Gwyntoedd y Gogledd (9)
7. Man uchelwyr (10)
8. Llacio ymdrech (5,5)
13. Setiau, nid seti (10)
14. Deuddeg o'r ysgol? (10)
16. Gwaith caled, cyson (5,4)
22. "---- y Llyfrau Glesion" (4)
23. Dos ar dy lin (4)

Cystadleuaeth Rhif 68:

Cyhoeddwyd y datrysiaid yn rhifyn Mawrth ond oherwydd amryfusedd, gadawyd allan ganlyniad y cystadleuaeth. Enw Mr. Iwan Jones, 38 Thornhill Road, Llanishen, a ddaeth o'r

hat a gobeithiwn ei fod wedi derbyn y tocyn llyfr erbyn hyn. Daeth atebion cywir hefyd oddi wrth: Rhian James, Yr Eglwys Newydd; J.L., Ger y Llyn; John Hughes, Llanishen; Gwenllian Gwyn Jones, Yr Eglwys Newydd; Mrs. S.M. Tibbot, Pentyrch; Margaret Jones, Cyncoed; Jayne Rees, Pontypridd; B.H., Cyncoed; M.E. Davies, Llandaf; B.T., Cyncoed; Dilys Gunston, Heol Ty Gwyn; ac A.R.R., Abertawe.

Datrysiaid Rhif 69

Ar draws:

1. CAMPAU; 4. CYLCHOG;
9. Y PRIFFYRDD A'R CAEAU;
10. GWEISG; 11. YN Y CANOL;
12. ADFFILIO; 14. OEDRAN;
15. ECOLEG; 18. CENHINEN;
21. ANERCHIAD; 22. WIBREDD;
24. DAW I BEN EI DENNYN;
25. ASTRUS; 26. GRADDAU

I Lawr:

1. CIPIWYD; 2. MEINI;
3. ADDYSGOL; 5. YMRWYMO;
6. CHWARAEDAI; 7. GWADDOTA;
8. ODDIYNO; 13. EGLURAIST;
16. CINIAWA; 17. GWIREDDU;
18. CADWER; 19. NEWIDIR;
20. EFELYCHU; 23. BONEDD

Cystadleuaeth Rhif 69

Oherwydd yr amryfusedd uchod ni chynigiwyd gwobr am Groesair 69 ac ni roddwyd dyddiad cau. Ond fe dderbyniwyd atebion cywir oddi wrth B.T., Cyncoed; J.L., Ger y Llyn; a Sian, Cyncoed.

Cystadleuaeth Rhif 70

Cynigir gwobr o £5 eto. Enw a chyfeiriad ar ymyl y Croesair a'i anfon i gyrraedd Ap Lewsyn, 13, Rannoch Drive, Cyncoed erbyn Ebrill 18fed, os gwelwch yn dda.

PENARTH A DINAS POWIS

Cymdeithas Gymraeg Dinas Powis

Cafwyd noson i'w gofio yng Nghlwb B.P. Y Sili ar Fawrth 2. Roedd ein gwestai Dic Jones - y Prifardd, neb llai! yn ei hwyliau gorau yn annerch aelodau'r Gymdeithas. Cafwyd pryd o fwyd blasus, anerchiad werthchweill ac adloniant o'r radd flaenaf gyda Janet a Glenda a Catrin wrth y delyn. Edryd Lloyd, ein Cadeirydd hynaws oedd wrth y llyw - wrth ei fodd hefyd gan fod Dic Jones ac Edryd yn gyfeillion o'r un ardal - Cardis unwaith eto! Diolchwyd i'r Pwyllgor am drefnu noson arbennig gan Y Llywydd Mr. Eifion Wyn Hopwood.

Llongyfarchiadau i Mr. a Mrs. John Williams ar enedigaeth eu mab bychan Llew Peredur. Pob bendith yn y dyfodol.

Beth am droi i mewn i Fethel, Penarth i weld y Capel ar ei newydd wedd? Calonogol i'r Parch. Meurwyn Williams, y Gweinidog ac i'r holl aelodau oedd gweld a chydabod y llafur a roddwyd o'u gwirfodd gan ddynion y Capel dan arweinyddiaeth gadarn Rowland Owen. Fe wnaeth y gwragedd hefyd gyfraniad sylweddol. Ymunwch â'r oedfa unrhyw Fore neu Nos Sul - cewch groeso twymgalon a mwy na hynny hyd yn oed cewch Fendith am yr wythnos â ddaw.

Cynhaliwyd Cyfarfod Cangen Caerdydd o CEFN yng Nghlwb Ifor Bach fis Chwefror. Mae'r Gymdeithas yn ymgyrchu i gael cownter Cymraeg ym mhrif fanciau Caerdydd. Hyd yma cafwyd ymateb ffafriol - ag eithrio gan Fanc y National Westminster. Bydd pwysu eto ar y Banc yma i newid ei feddwl. Mae cyfarfod nesaf CEFN yng Nghlwb Ifor Bach ar yr 8fed o Ebrill. Croeso i bawb sy'n cefnogi amcanion y Gymdeithas.

CANOLFAN YR URDD
HEOL CONWY
TREGANNA
CAERDYDD

TAFLEN

**LLYFRAU
RECORDIAU
CASETIAU
CARDIAU**

Ar Agor
10.00 - 7.00 (5.00 Sedi)
Ffônwch Eich Ardeib
CAERDYDD 27530

Ein dymuniadau gorau i Dylan, mab Moelwyn a Delyth Jones, Llandaf, a Fiona, merch yr Athro a Mrs. Embery, Llysfen ar eu dywedd. Mae Dylan yn awr yn aelod o Heddlu De Cymru ar ôl graddio o Goleg Abertawe a Fiona yn dilyn ei gyrfa fel nyrs yn yr Infirmary. Llongyfarchiadau iddyn nhw. Ac, adferiad buan i Delyth ar ôl cyfnod yn yr ysbyth.

Amgueddfa Werin Cymru



GŴYL HEN GALAN MAI

Gŵyl Genedlaethol o
grefftau traddodiadol, chwaraeon ac adloniant

MAI 1, 2, 3, 4, 1987

gan gynnwys Gŵyl Fai 10.00 ~ 5.00 bob dydd

MWY NA 100 O WEITHGAREDDAU

Crefftau, medrau, arddangosiadau, adloniant, diddordebau arbennig

ADLONIAINT GYDA'R NOS

Nos Sadwrn, Mai 2, 1987, 8.00 o'r gloch

Noson Werin yng nghwmni **Sain** gyda Dafydd Iwan, Plethyn, Mabsant, Pedwar yn y bar, Bridgette a Jonathan a Chôr Godre'r Garth

Nos Sul, Mai 3, 1987, 8.00 o'r gloch

Cymanfa Ganu draddodiadol

Manylion pellach :

Yr Adran Farchnata, Amgueddfa Werin Cymru, Sain Ffagan, Caerdydd CF5 6XB
Ffôn (0222) 569441

Diwrnod i'r brenin ... a'r teulu
Gŵyl na ddylech mo'i cholli

AMGUEDDFA GENEDLAETHOL CYMRU